



Broj/Број: 01,03/11-05-224/08
Sarajevo/Сарајево, 1.9.2008.

**IZVJEŠTAJ
SA 7. ZASJEDANJA SLAVENSKOG PARLAMENTARNOG SAVEZA
MINSK, 26.5.2008. - 28.5.2008.**

U Minsku je, od 26.5.do 28.5.2008., održano 7. zasjedanje Slavenkog parlamentarnog saveza u čijem su radu učestvovali: Lazar Prodanović, poslanik u Predstavničkom domu, Sadik Bahtić, poslanik u Predstavničkom domu, Jelena Rajaković iz Sektora za međunarodne odnose i protokol PSBiH.

Parlamentarna skupština BiH drugi put učestvovala je u radu tog tijela koje čine: Republika Bjelorusija, Bosna i Hercegovina, Republika Makedonija, Republika Poljska, Ruska Federacija, Republika Srbija, Slovačka Republika, Republika Slovenija, Ukrajina, Republika Hrvatska, Republika Crna Gora i Češka Republika.

Kao osnovni ciljevi rada Slavenkog parlamentarnog saveza (SPS) navedeni su razvoj ekonomske, kulturne i političke saradnje između država članica, te međusobna liberalizacija viznog režima.

Naglašena je i potreba veće razmjene i saradnje u oblasti nauke i obrazovanja, privrede i poljoprivrede, te izgradnja kulturno-prosvjetnih i informacionih institucija slavenkog karaktera.

Učesnici su se saglasili da jedan od prioriteta SPS-a bude razvoj asocijacija čiji bi cilj bila saradnja slavenkih zemalja na svim nivoima.

Na zasjedanju su razmatrani Statut i Poslovnik Saveza, te Nacrt zakona o razvoju turizma u slavenkim zemljama i Zakon o mjerama protiv trgovine ljudima.

Oba ova zakona usvojena su u drugom čitanju, uz zaključak da su ove oblasti uređene zakonom na državnim nivoima zemalja učesnica, ali da je neophodno sugerirati vlastima u tim zemljama da se razvije veća saradnja među slavenkim zemljama u oblasti turizma kao najboljeg načina za međusobno upoznavanje.

Također je insistirano na međusobnom pružanju pomoći u oblasti borbe protiv trgovine ljudima.

Dogovoreno je da radni jezik sesija SPS-a bude ruski, a da se jedan dan tokom svakog zasjedanja organizira upoznavanje učesnika sa zemljom u kojoj borave.

Tokom zasjedanja tri komiteta Lazar Prodanović izabran je za predsjedavajućeg Ekonomskog komiteta. On je tokom rasprave o predloženim zakonima istaknuo da je u Bosni i Hercegovini turizam oblast koja se zakonski regulira na entitetskim nivoima te predložio da se ovo pitanje uredi određenom rezolucijom ili sporazumom o saradnji među slavenkim zemljama s obzirom da se zakon usvojen na ovom zasjedanju ne može staviti u proceduru na državnim nivoima.

Tokom boravka u Minsku delegacija PSBiH posjetila je Skupštinu Bjelorusije i sastala se s **potpredsjednikom Predstavničkog doma Narodne skupštine Republike Bjelorusije Sergejem Makarovičem Zabolotecom.**

Tom prilikom sagovornici su se međusobno upoznali s prilikama u ove dvije zemlje i razgovarali o mogućnosti ekonomske saradnje.

Gosp. Zabolotec izrazio je zadovoljstvo zbog učešća predstavnika BiH u radu Slavenkog parlamentarnog saveza istaknuvši značaj pripadnosti slavenskoj grupi naroda. On je rekao da su mu dobro poznata dešavanja na prostoru BiH i izrazio nadu da će se ljudi vratiti u Bosnu i Hercegovinu i shvatiti da nacionalnost nije razlog da bi ljudi ratovali zbog toga, te da je na Balkanu konačno nastupio stalni mir.

Govoreći o ekonomskom stanju u Bjelorusiji, on je objasnio put reforme u toj zemlji, ističući da je Bjelorusija od zemlje s velikim brojem pretežno seoskih gazdinstava za 15 godina došla do statusa zemlje koja zauzima 13. mjesto u svijetu po količini izvoza domaćih proizvoda.

On je, također, iznio iskustva te zemlje u pitanju stranih investicija, privatizacije i socijalne politike.

Članovi delegacije PSBiH izrazili su zadovoljstvo zbog ovog susreta, ali i zbog učestvovanja Bosne i Hercegovine na zasjedanju SPS-a.

Oni su ukazali na zainteresiranost naše zemlje za saradnju s Bjelorusijom i ostalim slavenskim zemljama u svim oblastima.

Sadik Bahtić je potpredsjednika Zalatopeca upoznao s političkom i ekonomskom situacijom u Bosni i Hercegovini istaknuvši da postoji veliki potencijal za međusobnu saradnju ove dvije zemlje.

Izražen je interes obje delegacije za daljnjom saradnjom parlamenata Bosne i Hercegovine i Bjelorusije, te za produbljivanje veza između ova dva parlamenta kroz rad grupa prijateljstva.

Izveštaj pripremila:
Jelena Rajaković

Dostaviti:

- Kolegiju Predstavničkog doma PSBiH
- Kolegiju Doma naroda PSBiH

Kopija: Ministarstvo vanjskih poslova BiH